

ISSN 2249-510X

A Peer Reviewed and Refereed Journal of  
Kashmiri Literature and Language

Department of Kashmiri  
University of Kashmir

## تخلیق تہ تنقید ک باہمی رشتہ: اکھ سام

رخسانہ تبسم

تلخیص:

ادب تہ شاعری چھ سو تخلیقی عمل ہتھ اندر شاعر تہ ادیب پنہن جذب اتن تہ خیالاتن ہند اظہار مناسب لفظن منز کران چھ۔ یہ کتھ چھ اسی تھے ز ادب تہ شاعری چھے اکہ مخصوص ماحولہ منز وو پد تھ اکھ صورت رٹان ہتھ منز مذکور ماحولہ لکھ عنصر تہ اجزاء ٹاکار آسان چھ۔ تنقید چھ پنہ دور کن بے ترتیب خیالاتن، فکری رجحانن تہ احساساتن مرتب کران تہ پیہ چھ تخلیقہ خاطر پنہ پنہ زمانہ تقاضہ مطابق تمن تشکیل دتھ بنیاد فراہم کران۔ ادبک مقصد چھ اظہار، ترجمانی تہ تنقید۔ تخلیق چھ ذات، زندگی تہ زمانہ حوالہ شعری تجرب اتن تہ زندگی ستر وابستہ ژبیہن تہ تجربن درشاوان تہ تنقید چھ

حُسن و قبحک یا فرو گذاشتن ہند تجزیہ تہ محاسبہ کرتھ و نان ز، ’حُسن‘، کیا ز چھ ’حُسن‘ تہ  
 ’حسین‘، کیا ز چھ ’حسین‘۔ اتھ ستر ستر چھ تنقید بدلونی ثقافتی حالات نظر تل تھاوتھ  
 پننس دایرہ عملس منز تر میم تہ تہ اضافہ تہ کران روزان۔

کلیدی الفاظ: تخلیقی عمل، فکری رجحان، شعری تجربا تن، حسنگ و قبحک، ثقافتی حالات

تخلیق کاری چھ فن کار سندن فن کار رو آگر ن ہنز سر گرمی آسان یتھ اندر متنوع جز یکہ وٹہ  
 رلتھ اکھ تخلیقی کاے رٹان چھ۔ اتھ منز چھ تخلیق کار سندن زمانہ، تمہ زمانہ کو ساری ذہنی رجحان تہ تمدنی تہ  
 تہذیبی زندگی اکھ اُکس ستر رلتھ آسان تہ یتھ پاٹھو چھ ادیب تہ شاعر پننن تمن لوکن ہنز نمایندگی  
 کران یمن منز سہ زامت آسہ۔ تمہ ژبچ ترجمانی کران یتھ منز سہ زوان آسہ تہ ماحولچ علامت بنان  
 یتھ سہ سران آسہ تہ یتھ سہ متاثر کران آسہ۔ اتھ مقابلہ چھ تنقید شعر ادبہ کبن یمنے پاسن سام ہوان  
 تہ بہنز کار فرمائی احاطہ کرتھ یمن مولوان تہ۔

تنقید نگاری منز چھ نقاد سنز ذات ساروے کھوتہ اہم۔ اکھ نقاد گڑھ متوا زن عالمانہ  
 ذہن آسن تھاوان۔ تمس گڑھ ستر نظر آسن زندگی نسبت، تس گڑھ اکھ عالمانہ تصور تہ بدس آسن۔ امی  
 ستر چھ تمس فن شناسی حاصل سپدان تکیا ز یتھس کالس نہ تس علمی بساط آسہ سہ ہیکہ نہ ادب صحیح  
 پاٹھو مولوتھ۔ تس گڑھ فنہ کس ز او جارس، مختلف اسلوبن تہ نظریاتن ہند علم آسن۔ اتھو بنیادس پٹھ  
 چھ فنک تجزیہ ہبکان کرتھ تہ کرسندے تاثر تہ تبصرہ چھ معتبر یوان مانہ۔ یتھ کئی چھ تنقید قاری سند  
 تخیل و زناوتھ فن پارک مطالعہ کرنس پٹھ آمادہ کران تہ ادب پارچہ نو جہو بد کڈان۔ تخلیق تہ  
 تنقیدک رشتہ یا واٹھ چھ سون۔ ژکہ چھ تخلیق کار تہ اکھ باشعور نقاد آسان یس تسنز تخلیقی عملہ دوران

شعوری طور تَسُد و تہ ہا دک بنان۔ پڑتھ سہ چیز چاہے سہ فطری آسہ یا غیر فطری چھ پنڈر پنڈر قدر دان۔ تھے پاٹھی چھ ادبی تخلیقن تہ پنڈر قدر دان آسان یم تھ مزید حظ تُلنہ خاطر تہ یمن یہند حسن تہ فتح نظر تل تھاوتھ اچہ قدر مشخص کران چھ۔ عام پاٹھی چھ ونان ز ادب چھ زندگی ہند عکاس بیلہ زن تنقیدس متعلق تہ یہاے رائے چھ ز نقاد چھ زندگی ہند بن مسلن مختلف علمن ہندس پس منظرس منز پیش کران۔ تنقیدس چھ مختلف شعبہ سماجی تنقید، جمالیاتی تنقید، نفسیاتی تنقید، تاثر آتی تنقید، مارکسی تنقید، بیتر بیتر۔ یہ زن گوڈے ونہ آو تخلیق تہ تنقید چھ پانہ وانی نم تہ ماز۔ تخلیق کار ہیکہ نہ تنقیدی شعور وراے اکھ قدم تہ کڈتھ۔ اتھ بنیا ز پٹھ چھ ونہ یوان ز تنقید چھ نہ اکھ عملے یوت بلکہ ادبس ستر اکھ خاص تعلق آسنہ سببہ چھ یہ اکھ فن تہ۔ تخلیقی عملہ ستر سستی چھ تنقیدی عمل تہ شروع سپدان۔ تکیا ز بیلہ کانہہ تخلیق کار ادب پار یا فن پار لکھن ہوان چھ تمیک خاکہ چھ بروٹھے کر سندس ذہنس منز تیار آسان گو مت۔ تہ تنقیدی شعور وراے چھنہ یہ کام ممکن۔ یہاے تنقیدی شعور چھ ادبس رہنمائی کران۔ سہ چھ تھ کتھ پٹھ پنہ تنقیدی شعور کہ حوالے بہتر پاٹھی سوچتھ ہرکان ز کر سندفن پارک آغاز کتھ پاٹھی سپد، عروجس پٹھ کتھ پاٹھی ہیکہ واتھ تہ اختتام پذیر کتھ پاٹھی سپد۔ فن پار تھے ظاہری تہ خارجی صورت رٹان چھ تھے چھ تنقیدک عمل تہ تیز سپدان۔ پروفیسر کلیم الدین چھ لکھان:

”تخلیق و تنقید کا ساتھ چولی دامن کا ساتھ ہے۔ زندگی ایک

محیط بیکراں ہے اور اس پورے محیط پر بے شمار نقطے ہیں جہاں

یہ دونوں باہم مخلوط و مربوط ملیں گی۔“

بہر حال کتھ ہیکو تھ پاٹھی اند و استناوتھ ز تخلیقی ادبس تہ تنقیدس چھ اکھ زبردست رشتہ یم

دونوں چھ اکھ اُکس گن وچھتھ پر تھان تہ پوٹھان۔ تخلیقی ادب چھ جمالیاتی ضرورزن پور کران تہ  
تنقید چھ ادب پر کھاوتھ امیک بہتر پٹھی حظ ٹلنس منز اتھ روٹ کرنس ستر ستر ذوق جمالس تہ تصحیح  
گرتھ اتھ صحیح وتہ لاگان۔ یہ تھ پٹھی چھ یمن درمیان اکھ تیتھ رشتہ یس نامیاتی چھ۔

کتابیات:

ڈاکٹر عبادت بریلوی، اردو تنقید نگاری، اعجاز پبلشنگ ہاوس، دریا گنج دہلی، ص ۴۱

کتابیات

- ۱۔ بازیافت، شعبہ اردو کشمیر یونیورسٹی حضرت تیل 1987
- ۲۔ اردو ادب، انجمن ترقی اردو (ہند) علی گڑھ، 1954
- ۳۔ ڈاکٹر جمیل جالبی، نی تنقید، ایجوکیشنل پبلشنگ ہاوس دہلی